

Arkiv: <arkivID><jplID> FE-223, FA-U01
JournalpostID:
Sakshandsamar:
Dato: 08.05.2023

Saksframlegg

Saksnr.	Utval	Møtedato
018/23	Utval for næringsutvikling og drift	07.06.2023

Søknad til Næringsfondet - PSW Technology AS - PSW Technology

Kommunedirektøren sitt framlegg til vedtak:

Prosjektet PSW Technology vert tildelt kr 100 000 frå næringsfondet i Alver kommune.

Utval for næringsutvikling og drift 07.06.2023:

Handsaming:

Utvalet vedtok samrøystes kommunedirektøren sitt framlegg til vedtak.

ND- 018/23 Vedtak:

Prosjektet PSW Technology vert tildelt kr 100 000 frå næringsfondet i Alver kommune.

Politisk handsaming

Saka skal avgjerast i utval for næringsutvikling og drift.

Bakgrunn:

PSW Technology AS er eit aksjeselskap. Bransje: 09.109 Andre tenester knytt til utvinning av råolje og naturgass. Registrert: 05.12.2006 Kjelde: Proff.no

Saksopplysningar:

Søknaden frå PSW Technology er levert etter ordinær frist 1.mai, men saksbehandlar har behandla søknaden på lik linje med dei andre søknadane. PSW Technology tok kontakt før opningstid 2.mai med førespurnad om å få levere søknad. Dette vart vurdert som tett nok opp til fristen, i tillegg til at 1.mai var i samband med helg, til å behandle søknaden. Det er likevel utval for næringsutvikling og drift som må avgjere om søknaden skal behandlast.

PSW Technology AS vart etablert i 2006 og er lokalisert i industriparken på Mongstad. Selskapet leverer service- og vedlikehaldstenester for olje- og gassindustrien, handelsverksemd og utleige av personell og utstyr, samt alt som er naturleg forbunde med dette. Selskapet har 160 tilsette på fulltid og 30 tilsette på deltid.

PSW Technology etablerte ein samarbeidsallianse med Mongstad Industrier AS og Østerbø Maskin AS og var med i anbudsrunnen om vedlikehald på Equinor Mongstad. I starten av 2023 vann PSW Technology anbudet og vart tildelt vedlikehaldskontrakten, ein kontrakt på tre år med ytterlegare seks års opsjon. Det er første gong eit slikt lokalt samarbeid på tvers av tre bedrifter er etablert inn mot vedlikehaldskontrakten mekanisk og elektro.

Om prosjektet:

I forbindelse med vedlikehaldskontrakten ønskjer PSW Technology å etablere nye fagområde og utvikle ny lokal kompetanse på områder der Equinor kjøper tenestene sine frå utland og andre områder i Norge. Årsaka til dette er at kompetansen ikkje finnes lokalt.

Arbeid med vedlikehald og modifikasjonar på tank har dei siste tiåra vore utført av danske og finske avdelingar.

Denne kompetansen finns i liten grad på Vestlandet og elles i Norge og har utelukkande vore levert av Veltec Danmark dei siste 15 åra og av YIT med kompetanse frå Finland før det. No har PSW Technology mogelegheit til å utvikle ei eigen Tank-gruppe og utvikle denne kompetansen lokalt.

PSW Technology vil og etablere ein ventilkrok. Denne kompetansen finns heller ikkje lokalt i Alver og Equinor kjøper alt av slike tenester frå Bergen og andre plasser i Norge.

Prosjektleveranse/Målsetting:

Når det gjeld tankkompetanse må tilsette med utførande ansvar innan denne type arbeid få nødvendig opplæring. I tillegg vert det krevd ekstra kursing av leiande/ingeniørar for å kunne levere metodebeskrivelser/berekningar av slike oppdrag. Her har selskapet oppretta dialog med YIT i Finland som vil komme til Mongstad og gi opplæring og kursing.

Inntil selskapet viser at ein har nødvendig kompetanse til å utføre denne type arbeid vil slike oppdrag tilfalle utanlandske aktørar. Med kursing av rett personell vil ei slik gruppe kunne danne grunnlag for åtte til ti ekstra faste stillingar.

PSW Technology har sett av areal i bygga sine til ein eigen ventilkrok og ønskjer å investere i utstyr til kr 500.000 for å kunne tilby denne tenesta. Det vert i tillegg krevd eit fem dagars kurs for å kunne gjennomføre slikt arbeid. Denne kompetansen har ikkje PSW Technology i dag. Dersom ein utviklar denne kompetansen vil oppdrag innan denne tenesta for Equinor aleine kunne utgjere seks til åtte stillingar. Med den utvikling som skjer i og rundt Fensfjordbassenget/Wergeland vil dette også vere ein kompetanse som kan nyttast mot andre kundar, også offshore via CCB. Totalt vil ei etablering av dette forretningsområdet på Mongstad kunne leggje til rette for ni til ti ekstra faste stillingar.

Prosjektøkonomi:

Prosjektnamn	Prosjektkostnad	Søknadssum	Framlegg
PSW Technology	2 958 000	1 000 000	100 000

Vurderingsgrunnlag:

Vurderinga tar utgangspunkt i Fondsvedtektene for næringsfondet og vert vurdert ut frå føremål og målsetting. Det vert gjort ei heilskapleg vurdering ut frå prosjektet sitt bidrag til næringsutvikling, vekst og fleire arbeidsplassar i Alver kommune.

Søknaden viser til at etablering av nye samarbeidstiltak innanfor etablert næringsliv med samarbeidsalliansen mellom PSW Technology AS, Mongstad Industrier AS og Østerbø Maskin AS har gjort det mogeleg for lokalt næringsliv å vinne fram i store og krevjande anbudsprosessar. Dette gir PSW Technology rom for utvikling av nye tenester og prosjektet viser til utvikling av nye fagområde og stor grad av lokal kompetanseutvikling i eiga verksemd. Ei slik utvikling vil bidra til vekst og arbeidsplassutvikling i verksemda og prosjektet stimulerer dermed til ei berekraftig næringsutvikling.

Vurdering:

PSW Technology har føresetnader og stort potensiale for å skape vidare utvikling og vekst i verksemda og Alver kommune ser svært positivt på at ein ønskjer å utvikle nye fagområde og lokal kompetanse innan tenester ein i dag ikkje kan levere på.

Etter ei vurdering samla sett er prosjektsøknaden i samsvar med næringsfondet sine vilkår ved at det viser til tiltak som stimulerer til kompetanseutvikling og gir vekst i eksisterande verksemdar og arbeidsplassutvikling i Alver kommune.

Vedlegg i saken:

31.05.2023	PSW Technology AS søknad 03.05.23	1934544
31.05.2023	PSW Technology AS vedlegg 1	1934545